



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

Broj: SuPK-04-1919/23-I
Brčko, 15.12.2023. godine

SAOPŠTENJE ZA JAVNOST

**LICU S.M. IZ BRČKOG OSNOVNI SUD BRČKO DISTRIKTA BIH IZREKAO HITNE MJERE
ZBOG NASILJA U PORODICI**

Osnovni sud Brčko distrikta BiH je po prijedlogu Policije Brčko distrikta BiH, dana 15.12.2023. godine licu S.M. iz Brčkog, na osnovu Zakona o zaštiti od nasilja u porodici u Brčko distriktu BiH izrekao hitnu mjeru zabrana približavanja i kontaktiranja učinioca nasilja sa žrtvom nasilja u porodici u trajanju od 30 (trideset) dana.

Lice S.M. lišeno je slobode dana 14.12.2023. godine u 01:00 čas, zbog postojanja osnovane sumnje da je učinilo krivično djelo nasilje u porodici, a lišenju slobode je prethodilo psovanje i prijetnje M. da će ubiti svoju suprugu, što je on ponavljao u prisustvu policijskih službenika koji su po prijavi žrtve nasilja u porodici izašli na lice mjesta. Razmatrajući prijedlog za izricanje hitnih mjera zaštite, imajući u vidu sve argumente Policije Brčko distrikt BiH, osumnjičenog i njegovog branioca, istaknute u pogledu razloga zbog kojih se predlaže izricanje mjera, kao i razmatrajući sve dokaze i druge priloge koji se nalaze u spisu, sud je odlučio da se osumnjičenom izreknu hitne mjere zaštite. Prema mišljenju suda ova mjera je neophodna prvenstveno da bi se otklonila neposredna opasnost po tjelesni i psihički integritet žrtve nasilja u porodici, kao i radi sprečavanja ponavljanja nasilja i garantovanja bezbjednosti žrtve. Protiv ovog rješenja može se izjaviti žalba, Apelacionom sudu Brčko distrikta BiH u roku od 3 dana od dana dostavljanja rješenja.

Podsjećamo da se ovaj postupak može okončati u skladu sa Zakonom o zaštiti od nasilja u porodici u Brčko distriktu BiH ili u skladu sa materijalnim i procesnim krivičnim zakonima.

PORTPAROL
PRAVOSUDNE KOMISIJE

Dejan Nišić